

# SARAJEVO

---

U koje god doba dana i sa koga god uzvišenja bacite pogled na Sarajevo, vi uvijek i nehotice pomislite isto. To je grad, grad koji dotrajava i umire i u isto vrijeme se rađa i preobražava. Danas, grad naših najljepših težnji i napora i najsmjelijih želja i nada.



## 6.april Dan grada Sarajeva

- Godina 1461. se smatra godina osnivanja grada Sarajeva.
- Osnivač grada je Isa-beg Ishaković.
- On je podigao dvor (Saraj) po kojem je grad dobio ime.
- Izgradio je i značajne građevine kao što su: Careva džamija, Kolobara han, hamam (javno kupatilo), musafirhana i tekija.
  
- Šesti april je jedan od najznačajnijih datuma u historiji Sarajeva.
- To je dan kada se glavni grad Bosne i Hercegovine, u prošlosti, oslobađao i branio od pokoravanja.
- Napravljen je na raskrsnici rimskih puteva, nikao je grad koji je raskrsnica kultura i religija i nakon više od 500 godina.

- Također, treba napomenuti i da je 6. aprila 1992. godine, tadašnja Evropska zajednica priznala **Republiku Bosnu i Hercegovinu** kao nezavisnu državu.
- Nažalost, dok se zastava sa Ljiljanima vijorila ispred zgrade UN-a u **New Yorku**, srpski agresori granatirali su stari dio grada i otpočeli najdužu blokadu jednog grada u historiji ratovanja, Olimpijskog grada Sarajeva.



# Zašto volim Sarajevo

Ne postoji mjesto gdje ćeš biti primljen s toliko punih srca, gdje će ti hrana toliko fino zamirisati, gdje ćeš osjetiti tu neku sporost života i gdje će te taj poseban bosanski humor i otvorenost oduševiti.

Preko hiljade turista godišnje posjeti grad Sarajevo. Ljetne gužve na Baščaršiji su Sarajlijama dobro poznate. Kažu da tu najbolje osjete prošlost Sarajeva. Šarenilo, boje, miris sve nas to začas razgali. Ne možeš doći u Sarajevo i ne otići na Baščaršiju na ćevape, zeljanicu, krompirušu ili burek, nakon toga na jednu baklavu i naravno na jednu tursku kafu. Hodat ćete ulicama starog dijela grada i zagledati se u prekrasnu Begovu džamiju koja je prva u svijetu dobila električnu rasvjetu jos davne 1898., a u sklopu džamije najpoznatija česma u gradu. Za nju se čak i veže jedna legenda koja glasi „ Ko se jednom napije vode sa Baščaršije, nikad više iz Sarajeva taj otići ne umije“. Kada ste već tu obratite pažnju na Sahat kulu, nacionalni spomenik Bosne i Hercegovine, a osim što je posebna po svojoj građevini, posebna je i po tome što sat na njoj jedini u svijetu pokazuje lunarno vrijeme.

Šetnja uz rijeku Miljacku je neizbježna. Pogledi na njene mostove uz obavezam zalazak sunca. Mostovi nose razna imena i građeni su u različito doba. Volim prijeći preko Careva mosta, kamenog mosta s tri stupa i četiri luka. Tu je i Latinska ćuprija ili Principov most, jedan od najstarijih mostova u Sarajevu i brojni koji sa sobom nose posebnu priču. Pored toga imamo i jednu sasvim posebnu građevinu, a to je Inat kuća. Legendarna kuća koja simbolizira bosanski inat. Tamo stoji kao prkos različitim vladama i sustavima. Sarajevo, puno čarobnih i prelijepih znamenitosti, neke koje možda nisu tako razvikane ali ih nije teško pronaći ako za pomoć pitate rođenog Sarajliju koji će vam sa velikom radošću pokazati put. Tu je taj faktor bosanske ljubaznosti i posebne ljudske topline.

Za kraj se postavlja pitanje „Zašto volim svoj grad, Sarajevo“. Baš zbog činjenica koje sam navela gore u tekstu. To je grad pun ljubavi, topline, pun uspomena i lijepih priča ispod Trebevića.